

Monsieur

Le S<sup>r</sup> Payne m'a fait tenir vostre trescourtoise lettre du  $\frac{2}{12}$  May, avec le beau  
present de vos Poëmes Flamens bien conditionez, sans vouloir rien prendre pour le port.  
Je vous en rends tresumbles graces: ils me sont un eser e fort agreable divertissement  
es intervalles d'affaires. Mons<sup>r</sup> vostre fils Chrestien m'a fait l'honneur de sa cognoissance, mais  
come par esclair ses rares qualitez m'ayant excite l'appetit, quand dans trois ou quatre  
jours apres, j'ay esperé d'en gouter de sang froid, l'ay trouve parti, e sera de retour  
a la maison sain e sauf par la bonne providence de Dieu: c'est pitie que l'air de  
Londre ne compatit mieux avec sa sante. Je me suis rejoui de le voir e Messieurs  
ses freres de vostre grace le S<sup>r</sup> Constantin e le S<sup>r</sup> Louis, pour la grande  
consolation de laquelle il a plu a Dieu de couronner vostre soign de leur  
vertueuse e noble education. Je devoi escrire plus tost, mais j'avoü desir de penetrer  
au fond de ce tort que nostre Griso vous fait de retenir arriere un de vos Luts. Donc ne  
me contentant de ce qu'il en dit, lequel je regardai d'un oeil a travers, je me resols d'en  
parler a la Damoiselle mesme, e trouve qu'elle estoit justement partie pour aller  
voir ses amis en Hollande Lundi dernier, dont les principaus demeurent a Amsterdam  
le S<sup>r</sup> ~~Erasmus~~<sup>Jean</sup> Elison marchand, lequel j'entens qu'il est alle aux eaus de Spa, ce qui  
fera que ceste Damoiselle Dacket avec sa compagnie le S<sup>r</sup> Elison de Londres (qui est fort  
bonnefse personnage Diaque de nostre eglise) s'arresteront quelq<sup>s</sup> temps a la Haye chez  
le Procureur Copmoyer. Ils sont gens de bonne qualite, qui ne manqueront de vous en  
donner satisfaction en equite: on me dit bien que le lut estoit tout gasté dont elle y mis tout de  
despens sans lesquelles il eut esté tout a fait inutile. J'ay voulu savoir au vray, si Criso



l'a vendu a la Dam<sup>le</sup>. On m'a aussi de la part de la Dam<sup>le</sup> que non,  
mais simplement presté comme une chose laissée a l'abandon, de laquelle peut  
estre perzone ne s'enqueteroit plus. J'ay pensé vous devoir informer de tout, afin  
que vous ne perdiez temps, d'attendre vostre satisfaction de Guiso, ou pour certain  
la trouveriez desesperee (il dira Si le lut a esté gaste couchant en mon magasin, je ne  
suis pas tenu de le faire bon, je n'en ay eu que le trouble etc) mais qu'ayant le vray  
debiteur en vos mains par ce cas d'azard (sic verbo venia) vostre prudence face une  
fin sur le lieu, come dit l'Anglois, make the best of a bad bargain. Jeant qui potestant  
ubi non potestant ibi stabant. Vous prendrez en bonne part ce devoir imparfait e  
me permettrez ici de prendre congé en vous faisant reverence e presentant mon  
service e a Messieurs vos freres de tout mon coeur, priant Dieu

Monsieur de vous preserver long temps au service eminent de la  
patrie pour l'avancement de sa gloire. Je demeure inviolablement

Monsieur

Vostre tresobeissant serviteur  
Cesar Calandrin.

De Londres ce 21 Juin 1661.

